



KOMORA DIPLOMIRANIH INŽINJERA MEDICINSKE RADIOLOGIJE U FBiH

Bolnička br. 25, Sarajevo; Tel: +387 33 297 541; Fax: +387 33 297 845

www.kdimr.ba

**PRAVILNIK O STRUČNOM USAVRŠAVANJU ZDRAVSTVENIH RADNIKA U ZONI
JONIZIRAJUĆEG ZRAČENJA FEDERACIJE BOSNE I HERCEGOVINE**

Fojnica, 06. 02. 2014. godine



KOMORA DIPLOMIRANIH INŽINJERA MEDICINSKE RADIOLOGIJE U FBiH

Bolnička br. 25, Sarajevo; Tel: +387 33 297 541; Fax: +387 33 297 845

www.kdimr.ba

Pravilnik o stručnom usavršavanju zdravstvenih radnika u zoni jonizirajućeg zračenja Federacije Bosne i Hercegovine

I - OPĆE ODREDBE

Član 1.

Ovim pravilnikom utvrđuje se zajednički okvir stručnog usavršavanja, rokovi i postupci provjere stručnosti koje je zdravstveni radnik u zoni jonizirajućeg zračenja ostvario u okviru stručnog usavršavanja.

II - NAČELA STRUČNOG USAVRŠAVANJA

Član 2.

Načela stručnog usavršavanja zdravstvenih radnika u zoni jonizirajućeg zračenja su:

- 1) dostupnost programa stručnog usavršavanja svim zdravstvenim radnicima u zoni jonizirajućeg zračenja,
- 2) jedinstvenost usavršavanja zdravstvenih radnika jonizirajućeg zračenja u sticanju i primjeni znanja i vještina radiodijagnostičke, radioterapijske i djelatnosti nuklearne medicine što znači da se znanja i vještine zdravstvenih radnika u zoni jonizirajućeg zračenja trebaju primjenjivati na jedinstven način u obavljanju stručne djelatnosti,
- 3) naučna osnovanost i savremenost stručnog usavršavanja, te informisanost o novim svjetskim dostignućima iz oblasti medicinskih, zdravstvenih i tehničkih nauka,
- 4) osposobljenost zdravstvenih radnika u zoni jonizirajućeg zračenja prema svjetskim standardima,
- 5) slobodan izbor u postupku stručnog usavršavanja odnosno mogućnost i pravo svakog zdravstvenog radnika u zoni jonizirajućeg zračenja izbor sadržaja i oblika stručnog usavršavanja.



KOMORA DIPLOMIRANIH INŽINJERA MEDICINSKE RADIOLOGIJE U FBiH

Bolnička br. 25, Sarajevo; Tel: +387 33 297 541; Fax: +387 33 297 845

www.kdimr.ba

III- NAČIN I ZAJEDNIČKI SADRŽAJ STRUČNOG USAVRŠAVANJA

Član 3.

Zdravstveni radnik u zoni jonizirajućeg zračenja može izabrati način stručnog usavršavanja saglasno ovom pravilniku.

Član 4.

Načini stručnog usavršavanja su:

- 1) stručni skupovi,
- 2) radni kursevi (uključujući i on-line kurseve),
- 3) ostali stručni skupovi (predavanja i radionice),
- 4) studijski boravci,
- 5) publikacije,
- 6) postdiplomski naučni studij,
- 7) postdiplomski stručni studij,
- 8) javnozdravstveni i naučno-istraživački projekti.

Član 5.

Odluku o priznavanju načina stručnog usavršavanja donosi stručna komisija Komore diplomiranih inženjera medicinske radiologije u Federaciji Bosne i Hercegovine. (u daljnjem tekstu: Stručna komisija komore.

IV - ROKOVI STRUČNOG USAVRŠAVANJA

Član 6.

- ✓ Zdravstveni radnik u zoni jonizirajućeg zračenja obavezan je stručno se usavršavati tako da u pravilu svake godine stekne najmanje **20 (dvadeset)** bodova saglasno sistemu vrednovanja stručnog usavršavanja iz člana 14. ovog Pravilnika (u nastavku teksta: Bodovna lista).
- ✓ Zdravstveni radnik u zoni jonizirajućeg zračenja je stekao potrebni nivo stručnosti, ako u periodu od **6 (šest)** godina (u daljem tekstu: licencni period) sakupi **120 (stotinu i dvadeset)** bodova u skladu s odredbama ovog pravilnika.



KOMORA DIPLOMIRANIH INŽINJERA MEDICINSKE RADIOLOGIJE U FBiH

Bolnička br. 25, Sarajevo; Tel: +387 33 297 541; Fax: +387 33 297 845

www.kdimr.ba

-
- ✓ Izuzetno, u slučaju kada je zdravstveni radnik u zoni jonizirajućeg zračenja opravdano spriječen duže vrijeme da se stručno usavršava (porodiljsko odsustvo, lična teška bolest ili teška bolest člana užeg domaćinstva, odlazak na rad u inostranstvo, obavljanje funkcije izbornog zvaničnika na bilo kojem nivou vlasti u BiH i sl.) mora ostvariti najmanje **60 (šezdeset)** bodova u licencnom periodu za sticanje prava na ponovno izdavanje licence.
 - ✓ U slučajevima iz stava 3. ovog člana zdravstveni radnik u zoni jonizirajućeg zračenja podnosi dokumentiran zahtjev za oslobađanje sticanja propisanog broja bodova Upravnom odboru Komore, zajedno sa dokazima koji su osnova za oslobađanje od obaveze sticanja bodova.
 - ✓ Na osnovu podnijetog dokumentiranog zahtjeva iz stava 4. ovog člana, Upravni odbor Komore donosi odluku, protiv koje se može izjaviti žalba predsjedniku Komore u roku od 15 dana od dana prijema iste.
 - ✓ Odluka predsjednika Komore donijeta po žalbi je konačna.
 - ✓ Zdravstveni radnik u zoni jonizirajućeg zračenja po navršetku **60 godina** života, se oslobađaju skupljanja bodova.

V - POSTUPAK STRUČNOG USAVRŠAVANJA

Godišnji plan i program stručnog usavršavanja

Član 7.

- ✓ Godišnji plan stručnog usavršavanja (u nastavku teksta: Plan) na prijedlog Stručne komisije Komore usvaja Upravni odbor Komore.
- ✓ Komora organizira stručno usavršavanje zdravstvenih radnika u zoni jonizirajućeg zračenja prema Planu kojeg donosi Stručna komisija Komore.
- ✓ Stručna komisija Komore je obavezana do 30. novembra tekuće godine izraditi prijedlog Plana i programa stručnog usavršavanja za narednu godinu.
- ✓ Upravni odbor Komore je na osnovu prijedloga iz stava 1. ovog člana obavezan donijeti Plan i program stručnog usavršavanja do 31. decembra za narednu godinu.
- ✓ Predlagači programa stručnog usavršavanja mogu biti: tijela Komore, Kantonalna predstavništva Komore, Udruženje diplomiranih inženjera medicinske radiologije u Federaciji Bosne i Hercegovine.

Član 8.

Plan i program stručnog usavršavanja sadrži:



KOMORA DIPLOMIRANIH INŽINJERA MEDICINSKE RADIOLOGIJE U FBiH

Bolnička br. 25, Sarajevo; Tel: +387 33 297 541; Fax: +387 33 297 845

www.kdimr.ba

- 1) način održavanja stručnog usavršavanja,
- 2) sadržaj stručnog usavršavanja,
- 3) okvirne termine i tačna mjesta održavanja stručnog usavršavanja.

Organizatori stručnog usavršavanja

Član 9.

- ✓ Komora organizira stručno usavršavanje samostalno ili u saradnji sa udruženjem diplomiranih inženjera medicinske radiologije u Federaciji BiH ili zemljama okruženja, stručnim društvima, komorama iz oblasti zdravstva, odnosno drugim organizatorima po prijedlogu Stručne komisije Komore.
- ✓ Stručna komisija Komore procjenjuje potrebu za učestvovanje Komore u stručnom usavršavanju s drugim organizatorima iz stava 1. ovog člana u dijelu koji se odnosi na kvalitet stručnog skupa.
- ✓ Stručna komisija Komore predlaže Predsjedniku Komore saradnju s drugim organizatorima iz stava 1. ovog člana.

Komora učestvuje u organizaciji stručnog usavršavanja:

- 1) vrednovanjem stručnog usavršavanja, i/ili
- 2) učešćem u realizaciji stručnog usavršavanja zajedno s organizatorom.

Za osiguranje kontinuiteta stručnog usavršavanja zdravstvenih radnika u zoni jonizirajućeg zračenja Komora je obavezna osigurati održavanje najmanje jedan stručni skup godišnje. Kod svih oblika edukacije gdje je organizator komora diplomiranih inženjera medicinske radiologije u Federaciji Bosne i Hercegovine obavezna dokumentacija nije potrebna jer se ista nalazi u komori.

VI. OBAVEZE ORGANIZATORA USAVRŠAVANJA PREMA KOMORI

Član 10.

- ✓ Za usavršavanja za koja učesnici ne plaćaju kotizaciju, organizator se obavezuje platiti taksu Komori u iznosu od **300,00 KM** za prvo održavanje. Svako sljedeće održavanje istog usavršavanja se naplaćuje **200,00 KM**. Izuzetno, ako su organizatori istoga skupa partneri komore oslobođeni su plaćanja takse.



KOMORA DIPLOMIRANIH INŽINJERA MEDICINSKE RADIOLOGIJE U FBiH

Bolnička br. 25, Sarajevo; Tel: +387 33 297 541; Fax: +387 33 297 845

www.kdimr.ba

-
- ✓ Za skupove na kojima sudionici plaćaju kotizaciju, organizator se obavezuje uplatiti Komori **10% od** prihoda ostvarenog od kotizacije.
 - ✓ Uplate se vrše na žiro račun Komore broj **0000000000000000** otvoren kod **ddddddd** banke.

VII - OBAVEZE KOMORE PREMA ORGANIZATORU USAVRŠAVANJA

Član 11.

- ✓ Stručna komisija Komore za trajno usavršavanje Komore se obavezuje da donese odluku o priznavanju predloženog stručnog usavršavanja i o tome obavijesti organizatora usavršavanja najkasnije 15 dana nakon zaprimanja zahtjeva.
- ✓ U slučaju pozitivne odluke iz prethodnog stava, Stručna komisija Komore će istovremeno izvršiti i bodovanje usavršavanja, što čini sastavni dio odluke. Stručna komisija Komore može zahtjevati korekcije predloženog programa usavršavanja u cilju usaglašavanja sa odredbama člana 14. ovog Pravilnika. U tom slučaju organizator može korigovati nedostatke u roku od 15 dana po zaprimanju odluke Stručne komisije Komore. Ukoliko organizator ne dostavi dokaz o korekciji nedostataka u predviđenom roku, zahtjev za vrednovanjem usavršavanja se smatra nevažećim.
- ✓ Komora se obavezuje obavijestiti zdravstvene radnike u zoni jonizirajućeg zračenja o održavanju priznatog usavršavanja putem web stranice ili na drugi način, najkasnije 10 dana prije održavanja usavršavanja.
- ✓ Komora će nakon održavanja usavršavanja, prema dostavljenom popisu organizatora, upisati bodove svakom sudioniku usavršavanja, članu Komore – zdravstvenom radniku u zoni jonizirajućeg zračenja.

VIII - VREDNOVANJE STRUČNOG USAVRŠAVANJA

Član 12.

Provjera stručnosti zdravstvenih radnika u zoni jonizirajućeg zračenja za licencni period provodi se vrednovanjem stručnog usavršavanja sistemom bodovanja.

Član 13.

Na jednom stručnom skupu zdravstveni radnik u zoni jonizirajućeg zračenja može ostvariti bodove kao aktivni i kao pasivni učesnik.



Član 14.

Odbor će vrednovati stručna usavršavanja kako slijedi:

1. STRUČNI SKUP

| Vrsta skupa | Opis učešća | | Vrednovanje u bodovima |
|--------------------------|-------------|-----------------------------|------------------------|
| Domaći stručni skup | Aktivno | Predavač/Voditelj radionice | 14 |
| | | Poster autor | 10 |
| | | Koautori (do 3 autora) | 8 |
| | Pasivno | (po učesniku) | 7 |
| Međunarodni stručni skup | Aktivno | Predavač/Voditelj radionice | 16 |
| | | Poster autor | 12 |
| | | Koautoru (do 3 autora) | 10 |
| | Pasivno | (po učesniku) | 9 |

Stručni skup je skup koji traje najmanje 2 dana, sadržava najmanje dvije teme, te može uključivati predavanja, poster prezentacije i/ili radionice.

Međunarodni skup je skup sa međunarodnim učešćem, a na kojem je strani jezik službeni jezik skupa.

2. RADNI KURSEVI

| Vrsta kursa | Opis učešća | Vrijednovanje u bodovima |
|-------------------|---------------------------------------|--------------------------|
| Domaći kursevi | Aktivno (predavač/voditelj radionice) | 7 |
| | Pasivno (učesnik) | 1-10 (po satima rada) |
| On – line kursevi | Aktivno | 4 |

Kursevi su stručna usavršavanja čiji stručni dio traje najmanje 4 sata, a sastoji se od najmanje dva predavanja s diskusijom i/ili radionicom, sa ili bez provjere znanja i obrađuje jednu stručnu temu.



3. OSTALI STRUČNI SKUPOVI

| Vrsta skupa | Opis učešća | Vrednovanje u bodovima |
|-------------|------------------------------|------------------------|
| Predavanje | Aktivno (predavač) | 4 |
| | Pasivno | 3 |
| Radionica | Aktivno (voditelj radionice) | 4 |
| | Pasivno | 3 |

Ostali stručni skupovi obuhvaćaju predavanje u trajanju najmanje 45 minuta i radionicu u trajanju najmanje 1 sahat.

4. STUDIJSKI BORAVCI

| Boravak | Vrijednovanje u bodovima |
|----------------|--------------------------|
| U zemlji | Sedmično 3 boda |
| U inostranstvu | Sedmično 4 boda |

Pod studijskim boravkom se podrazumijeva boravak koji uključuje obrazovanje u zemlji ili inostranstvu na fakultetima ili u drugim relevantnim institucijama u trajanju najmanje tri dana. Organizacije i/ili ustanove na teritoriji BiH u pravilu za vrednovanje usavršavanja trebaju imati potpisan ugovor sa Komorom. Ukoliko je ustanova ili organizacija u inostranstvu i nema sklopljen ugovor sa Komorom, odluku o priznavanju i bodovanju usavršavanja donosi Stručna komisija Komore na pojedinačni zahtjev zdravstvenog radnika u zoni jonizirajućeg zračenja.



5. PUBLIKACIJE

| Vrsta publikacije | | Vrijednovanje u bodovima |
|------------------------|--|--------------------------|
| Naučni rad | Naučni rad objavljen u časopisima iz izvorišne baze selektivnih tercijernih publikacija: „Current Contents“ (CC) ili „Science citation index“ | 20 |
| | Recenzirani naučni rad objavljen u međunarodnom časopisu | 12 |
| | Recezentni naučni rad, objavljen u zborniku radova s međunarodnog ili domaćeg naučnog skupa iz izvorišne baze selektivnih tercijernih publikacija (suplementi CC časopisa) | 10 |
| | Recenzirani naučni rad publiciran u drugim časopisima s naznačenom kategorizacijom | 9 |
| Stručni rad | Stručni rad objavljen međunarodnom časopisu | 18 |
| | Stručni rad objavljen u domaćem stručnom časopisu | 10 |
| | Stručni rad objavljen u zborniku radova | 7 |
| Knjiga | Izvorni autor | 30 |
| | Prevoditelj djela | 20 |
| | Izvorni autor poglavlja | 19 |
| | Prevoditelj poglavlja | 15 |
| | Urednik knjige | 15 |
| Naučni/Stručni časopis | Urednik časopisa | Godišnje 10 bodova |



6. POSTDIPLOMSKI NAUČNI I STRUČNI STUDIJI

| Naučni/Stručni stepen | Vrednovanje u bodovima |
|-----------------------|------------------------|
| Magistar nauka | 30 |
| Magistar struke | 20 |
| Doktor nauka | 40 |

7. JAVNOZDRAVSTVENI I NAUČNO-ISTRAŽIVAČKI PROJEKTI

| Opis sudjelovanja | Vrednovanje u bodovima |
|-----------------------------------|------------------------|
| Vođa projekta ili tima u projektu | 15 |
| Saradnik u projektu | 10 |

VIII - PODNOŠENJE ZAHTJEVA ZA VREDNOVANJE STRUČNOG USAVRŠAVANJA

Zahtjev organizatora za vrednovanje stručnog usavršavanja

Član 15.

1. Zahtjev za vrednovanje stručnog usavršavanja, zajedno sa svom pratećom dokumentacijom saglasno članu 21. ovog Pravilnika organizator u pravilu treba podnijeti 30 dana prije održavanja određene vrste stručnog usavršavanja.
2. Zahtjev se može podnijeti i nakon održanog usavršavanja. U tom slučaju obaveza Komore prema organizatoru iz stava 3 člana 11. ovog Pravilnika ne vrijedi.
3. Zahtjev organizatora za vrednovanje stručnog usavršavanja je u prilogu 1. Ovog Pravilnika i čini njegov sastavni dio.
4. S organizatorom stručnog usavršavanja Komora sklapa ugovor o međusobnim pravima i obavezama.
5. Ugovor u ime Komore zaključuje predsjednik Komore.

Pojedinačni zahtjev za vrednovanje stručnog usavršavanja

Član 16.

1. Zdravstveni radnik u zoni jonizirajućeg zračenja može podnijeti pojedinačni zahtjev za vrednovanje stručnih usavršavanja prema vrstama iz člana 14. ovog Pravilnika.



KOMORA DIPLOMIRANIH INŽINJERA MEDICINSKE RADIOLOGIJE U FBiH

Bolnička br. 25, Sarajevo; Tel: +387 33 297 541; Fax: +387 33 297 845

www.kdimr.ba

2. Uz zahtjev za vrednovanje stručnog usavršavanja zdravstveni radnik u zoni jonizirajućeg zračenja dostavlja dokumentaciju zavisno o načinu i vrsti stručnog usavršavanja, saglasno članu 20. ovog Pravilnika.
3. Zahtjev se može podnijeti unutar licencnog perioda u kojem je ostvareno stručno usavršavanje.
4. Pojedinačni zahtjev za vrednovanje stručnog usavršavanja je u prilogu 2 ovog pravilnika i čini njegov sastavni dio.

Član 17.

Zahtjevi za vrednovanje stručnog usavršavanja iz člana 15. i člana 16. ovog Pravilnika podnose se poštom na adresu Komore Bolnička br. 25, Sarajevo s naznakom "Stručna komisija Komore za trajno usavršavanje") ili on-line popunjavanjem zahtjevnog obrasca na web stranici Komore.

Član 18.

1. Zdravstveni radnik u zoni jonizirajućeg zračenja može ostvariti bodove za učestvovanje na stručnom skupu, ako je na zahtjev organizatora stručni skup bodovan od strane Stručne komisije Komore.
2. U slučaju iz stava 1. ovog člana, a u vezi sa stavom 4. člana 11. ovog pravilnika zdravstveni radnik u zoni jonizirajućeg zračenja nije obavezan podnijeti pojedinačni zahtjev za vrednovanje učešća na stručnom skupu.

Član 19.

1. Sekretar Komore utvrđuje kompletnost podnesenih zahtjeva prije zasjedanja Stručne komisije Komore.
2. Pod potpunim zahtjevom podrazumijeva se zahtjev koji sadrži sve podatke i dokumente navedene u članu 20. ili članu 21. ovog Pravilnika.
3. Ako sekretar utvrdi da je zahtjev nepotpun obavijestit će podnosioca zahtjeva da u roku od 15 dana isti dopuni.
4. Ako podnositelj u roku 15 dana od zaprimanja obavijesti iz stava 2. ovog člana ne dopuni zahtjev, isti neće biti dalje razmatran.
5. Stručna komisija Komore neće razmatrati pojedinačne zahtjeve ako je organizator stručnog usavršavanja već podnio zahtjev za bodovanje istog.
6. Stručna komisija Komore će prema načelima usavršavanja u pravilu vrednovati stručna usavršavanja dostupna zdravstvenom radniku u zoni jonizirajućeg zračenja neovisno o mjestu zaposlenja.



Obavezna dokumentacija uz zahtjev za vrednovanje stručnog usavršavanja

Član 20.

Potrebna dokumentacija, koja se kao obavezan prilog podnosi uz pojedinačni zahtjev za vrednovanjem stručnog usavršavanja zdravstvenog radnika u zoni jonizirajućeg zračenja zavisno o načinu stručnog usavršavanja uključuje:

Način stručnog usavršavanja i potrebna i potrebna dokumentacija

| Način stručnog usavršavanja | Potrebna dokumentacija |
|-----------------------------|---|
| Stručni skupovi | <ul style="list-style-type: none">• Ovjerena kopija originalnog dokumenta o održanom skupu (program, predavači, vrijeme i mjesto održavanja, organizator skupa),• Ovjerena fotokopija originalnog dokaza o prisustvovanju skupu,• Ovjerena fotokopija originalnog dokaza o aktivnom učešću (ukoliko je primjenjivo). |
| Radni kursevi | <ul style="list-style-type: none">• Ovjerena kopija originalnog dokumenta o održanom kursu (program, predavači, vrijeme i mjesto održavanja, organizator kursa),• Ovjerena kopija potvrde o učešću (certifikatu). |
| On – line kurs | <ul style="list-style-type: none">• Dokument o održanom kursu (web stranica pristup, organizator, naziv i kratak opis kursa),• Ovjerena fotokopija stečenog certifikata. |
| Predavanje ili radionica | <ul style="list-style-type: none">• Ovjerena fotokopija originalnog dokumenta o održanom predavanju/radionici (tema, vrijeme i mjesto održavanja, predavač/voditelj, organizator predavanja/radionice),• Ovjerena fotokopija dokaza o prisustvovanju predavanju/radionici,• Dokaz o aktivnom učešću (ukoliko je primjenjivo). |
| Studijski boravci | <ul style="list-style-type: none">• Ovjerena fotokopija potvrde o boravku s tačnim datumima početka i trajanja boravka i opisom provedenog edukacijskog programa, potpisana od strane predstavnika ustanove u kojoj je obavljen studijski |



KOMORA DIPLOMIRANIH INŽINJERA MEDICINSKE RADIOLOGIJE U FBiH

Bolnička br. 25, Sarajevo; Tel: +387 33 297 541; Fax: +387 33 297 845

www.kdimr.ba

| | |
|--|--|
| | <p>boravak i štampana na memorandumu ustanove,</p> <ul style="list-style-type: none"> • Potvrda (certifikat) o stečenom zvanju (ukoliko postoji) |
| Naučni/stručni rad | <ul style="list-style-type: none"> • Impresum časopisa, • Ovjerena fotokopija sažetka rada, • Ovjerena fotokopija sadržaja časopisa. |
| Knjiga | <ul style="list-style-type: none"> • Originalni primjerak knjige ili ovjerena fotokopija naslovice, • Impresum knjige iz kojeg su dostupne informacije o autoru, izdavaču, uredništvu i recezentima, • Ovjerena fotokopija sadržaja knjige. |
| Urednik časopisa | <ul style="list-style-type: none"> • Impresum časopisa iz kojeg su vidljivi podaci: naslov, ISSN, naziv izdavača, sastav uredništva, podatak o učestalosti izlaženja. |
| Doktorski, postdiplomski naučni i stručni studij | <ul style="list-style-type: none"> • Ovjerena fotokopija potvrde fakulteta o sticanju naučnog i stručnog stepena. |
| Javnozdravstveni i nučno-istraživački projekti | <ul style="list-style-type: none"> • Ovjerena fotokopija potvrde o učešću u projektu (naziv, broj i nosioc projekta), sa naznakom o vrsti učešća (voditelj ili saradnik), • Program i ciljevi projekta uz vremenske odrednice. |

Lični zahtjevi za bodovanje se ne podnose za položene on-line kurseve s pristupom putem web portala Komore. Bodovanje ovakvih kurseva Komora izvodi automatski.

Član 21.

Organizator stručnog usavršavanja uz zahtjev za vrednovanje usavršavanja kao obavezne priloge treba podnijeti, zavisno o vrsti stručnog usavršavanja, sljedeću dokumentaciju:

Način stručnog usavršavanja i potrebna dokumentacija

| Način stručnog usavršavanja | Potrebna dokumentacija |
|-----------------------------|--|
| Stručni skup | <ul style="list-style-type: none"> • Originalni ovjeren primjerak potvrde o organizaciji skupa s podacima o nazivu, mjestu i vremenu održavanja, programu stručnog skupa sa temama i predavačima (ime i prezime, zvanje, zaposlenje), ovjeren od organizatora, • Popis učesnika na stručnom skupu (nakon održanog skupa) |
| Radni kurs | <ul style="list-style-type: none"> • Original ovjeren primjerak potvrde organizatora o |



KOMORA DIPLOMIRANIH INŽINJERA MEDICINSKE RADIOLOGIJE U FBiH

Bolnička br. 25, Sarajevo; Tel: +387 33 297 541; Fax: +387 33 297 845

www.kdimr.ba

| | |
|--------------------------|---|
| | <p>održavanju kursa s podacima o nazivu, mjestu i vremenu održavanja, programu kursa sa temama i predavačima (ime i prezime, zvanje, zaposlenje), ovjeren od organizatora,</p> <ul style="list-style-type: none"> • Popis učesnika kursa sa naznakom rezultata testiranja stečenog znanja, ukoliko ukoliko je postojalo (nakon održanog kursa). |
| On – line kurs | <ul style="list-style-type: none"> • Originalni primjerak potvrde organizatora o organizaciji kursa sa nazivom i kratkim opisom kursa i podacima o autorima kursa (ime i prezime, zvanje, zaposlenje), • Web stranica pristupa, • Dokumentovani popis onih koji su položili on-line kurs (nakon održanog kursa). |
| Predavanje ili radionica | <ul style="list-style-type: none"> • Originalni ovjeren primjerak potvrde organizatora o održavanju predavanja ili radionice s podacima o temi, mjestu i vremenu održavanja, sažetkom predavanja/radionice, podacima o predavačima/voditeljima radionice (ime i prezime, zvanje, zaposlenje), • Popis učesnika sa naznakom rezultata testiranja stečenog znanja, ukoliko je postojalo (nakon održanog kursa). |
| Studijski boravci | <ul style="list-style-type: none"> • Originalni ovjeren primjerak potvrde organizatora o organizaciji studijskog boravka s podacima o nazivu, mjestu i vremenu održavanja, ciljem usavršavanja (stečena znanja i vještine) i podacima o voditelju/odgovornoj osobi (ime i prezime, zvanje, zaposlenje), • Popis učesnika sa naznakom rezultata testiranja stečenih znanja i vještina, ukoliko je postojalo (nakon održanog usavršavanja). |

IX - PRELAZNE I ZAVRŠNE ODREDBE

Član 22.

1. Zahtjevi za stručno usavršavanje zaprimljeni u Komori prije stupanja na snagu ovog pravilnika, riješit će se saglasno propisu prema kojem je postupak i započet.



KOMORA DIPLOMIRANIH INŽINJERA MEDICINSKE RADIOLOGIJE U FBiH

Bolnička br. 25, Sarajevo; Tel: +387 33 297 541; Fax: +387 33 297 845

www.kdimr.ba

-
2. Zdravstvenom radniku u zoni jonizirajućeg zračenja priznaju se svi bodovi ostvareni tokom stručnog usavršavanja saglasno ranijim propisima iz ove oblasti, a koji su pristupili Komori kao njeni članovi.

Član 23.

1. Stručna komisija Komore je dužan predložiti plan stručnog usavršavanja za tekuću godinu, saglasno odredbama ovog pravilnika, u roku od 30 dana od dana donošenja ovog pravilnika.
2. Upravni odbor Komore dužan je plan iz stava 1. ovog člana usvojiti u narednom roku od 30 dana.

Član 24.

Ovaj Pravilnik objavljuje se na web stranici Komore i stupa na snagu osmog dana od objave.



KOMORA DIPLOMIRANIH INŽINJERA MEDICINSKE RADIOLOGIJE U FBiH

Bolnička br. 25, Sarajevo; Tel: +387 33 297 541; Fax: +387 33 297 845

www.kdimr.ba

Prilog 1.

**ZAHTJEV ZA VREDNOVANJE STRUČNOG USAVRŠAVANJA ZA ORGANIZATORE
USAVRŠAVANJA**

| | | |
|--------------------------------|--|--|
| Podaci o organizatoru | | |
| Naziv: | | |
| Adresa: | | |
| Telefon: | | |
| E – mail: | | |
| Web stranica: | | |
| Žiro – račun: | | |
| Potpisnik: | | |
| Podaci o stručnom usavršavanju | | |
| Vrsta usavršavanja: | <input type="radio"/> Stručni skup | <input type="radio"/> Domaći <input type="radio"/> Međunarodni |
| | <input type="radio"/> Kurs | <input type="radio"/> Domaći <input type="radio"/> Međunarodni <input type="radio"/> On - line |
| | <input type="radio"/> Predavanja/Radionica | |
| | <input type="radio"/> Studijski boravak | |
| Naziv usavršavanja: | | |
| Certifikat o zvanju: | | |
| Održavanje: | <input type="radio"/> Prvo | <input type="radio"/> Ponovljeno |
| Način financiranja: | <input type="radio"/> Bez kotizacije učesnika | |
| | <input type="radio"/> Sa kotizacijom učesnika (iznos kotizacije: KM) | |
| Popis priloga: | | |
| Datum podnošenja zahtjeva: | | |
| Potpis odgovorne osobe: | | |

Obavezni prilozi po vrsti usavršavanja saglasno članu 21. ovog Pravilnika. Dostavljeni prilozi se ne vraćaju podnosiocu zahtjeva.



KOMORA DIPLOMIRANIH INŽINJERA MEDICINSKE RADIOLOGIJE U FBiH

Bolnička br. 25, Sarajevo; Tel: +387 33 297 541; Fax: +387 33 297 845

www.kdimr.ba

Prilog 2.

POJEDINAČNI ZAHTJEV ZA VREDNOVANJE STRUČNOG USAVRŠAVANJA

| | | |
|--------------------------------|---|--|
| Podaci o članu KDIMR u FBiH | | |
| Ime i prezime: | | |
| Adresa: | | |
| Telefon: | | |
| E – mail: | | |
| Radno mjesto: | | |
| Evidencijski broj: | | |
| Podaci o stručnom usavršavanju | | |
| Vrsta usavršavanje: | <input type="checkbox"/> Stručni skup | <input type="checkbox"/> Naučni stepen |
| | <input type="checkbox"/> Kurs | <input type="checkbox"/> Stručni stepen |
| | <input type="checkbox"/> Predavanje/Radionica | <input type="checkbox"/> Javno zdravstveni ili naučni projekat |
| | <input type="checkbox"/> Studijski boravak | <input type="checkbox"/> Mentorstvo |
| | <input type="checkbox"/> Publikacija | |
| Popis priloga: | | |
| Datum podnošenja zahtjeva: | | |
| Popis podnosioca zahtjeva: | | |

Obavezni prilozi po vrsti usavršavanja saglasno 20. ovog Pravilnika. Dostavljeni prilozi se ne vraćaju podnosiocu zahtjeva.

Pripremu izvršio
član predsjedništva KDIMR u FBiH
Enes Kurta, dipl.ing.med.rad.